

傷寒懸解卷十

昌邑黃元御坤載著

太陰經全篇

十六章

太陰藏病

太陰以濕土主令。故太陰脾藏不病則已。病則是濕土之
所以剋水者。以其燥也。濕則反被水侮。少陰寒水之氣傳
之於土。是以其藏有寒。濕者太陰之主氣。寒者少陰之客
氣也。而太陰之病寒濕者。總因陽明之虛。脾爲濕土。胃爲
燥土。陽明之陽盛。則濕爲燥奪而化熱。太陰之陰盛。則燥

傷寒懸解卷十

昌邑黃元御坤載著

太陰經全篇

十六章

太陰藏病

太陰以濕土主令。故太陰脾藏不病則已。病則是濕土之
所以剋水者。以其燥也。濕則反被水侮。少陰寒水之氣傳
之於土。是以其藏有寒。濕者太陰之主氣。寒者少陰之客
氣也。而太陰之病寒濕者。總因陽明之虛。脾爲濕土。胃爲
燥土。陽明之陽盛。則濕爲燥奪而化熱。太陰之陰盛。則燥

爲濕奪而生寒。而陰陽虛實之權在乎中氣。中氣旺則脾家實。太陰從化於陽明。中氣衰則胃氣逆。陽明從化於太陰。陽明下篇諸證皆陽明入太陰之病也。未入太陰。陰氣外侵。猶俟漸奪。故太陰之病象頗多。半寓於陽明之內。已入太陰。陰邪內傳。勢不久駐。故太陰之病條甚少。全見於少厥之中。蓋脾陽虧虛。則水侮而木賊。少厥之陰邪勃起。而內應於少厥。是未去太陰。已傳少厥。自此少厥告急。而太陰之病俱附於少厥之篇矣。犬凡少厥之死病皆由脾陽之頽敗。少厥之生證悉因脾陽之來復。太陰一藏是存亡生

死之關。仲景四逆之垂法。大黃芍藥之示戒。不可不詳思而熟味也。

太陰經提綱一

太陰一

太陰濕土。氣本上行。素問脾氣散精。上歸於肺。是藏氣之上行也。足之三陰。自足走胸。是經氣之上行也。病則濕盛。氣滯陷而不升。脾陷則胃逆而不降矣。蓋燥爲陽而濕爲陰。陽本於天而親上。陰本乎地而親下。故陽明燥土病則氣逆。太陰濕土病則氣陷。自然之性也。太陰提綱。腹滿而吐。食不下者。太陰之累及陽明而氣逆也。自利益甚。時腹



痛者太陰之傷於厥陰而氣陷也脾陷而不升胃逆而不降病見於上下而根在乎中宮以中宮樞軸之不運也若下之樞軸敗折陷者益陷而逆者益逆逆之至則胸下結鞭而不止於腹滿陷之極不過於自利之益甚無以加矣故但言其逆而不言其陷非省文也無庸言也。

太陰之爲病腹滿而吐食不下自利益甚時腹自痛若下之必胸下結鞭。

太陰脾之經也脾主升清胃主降濁清升濁降腹中沖和是以不滿脾病則清陽不升脾病累胃胃病則濁陰不降。

中氣凝滯故腹滿也。吐者胃氣之上逆逆而不納故食不下也。利者脾氣之下陷清陽不升寒生於下水穀不消故自利益甚也。濕寒鬱塞木氣不舒侵剋脾土故時腹自痛也。若下之土愈敗而胃愈逆甲木壅礙不得下行痞鬱胃口故胸下結鞭卽病發於陰而反下之因作痞也。程氏

曰太陰濕土其藏有寒則病自是寒豈有傳經爲熱之理使陽入陰能化陰爲陽則火入水亦能變水爲火必無之事也。吐利痛滿純是陰邪用事下之陰邪入於陽位究與結胸之邪高下稍異彼因陽從上陷而阻畱此緣陰從下

逆而不歸。寒熱大別。三陰篇皆言藏病。非經病也。經病而不入於藏。傷寒不過六日。中風不過七日。無不汗解之理。三陰經病。總統於太陽。一經四日。太陰未可曰太陰。之爲病。亦不必痛滿吐利。藏寒而用四逆。五日少陰。未可曰少陰。之爲病。亦不必厥冷吐利。水盛而用真武。六日厥陰。未可曰厥陰。之爲病。亦不必虵厥吐利。風動而用烏梅。不拘其何經。其在六日之內者。悉宜麻桂發表。無異法也。至於自經而入藏。然後太陰有痛滿吐利之證。而用四逆。少陰有厥冷吐利之證。而用真武。厥陰有虵厥吐利之證。而

用烏梅。以其一藏之爲病如此。用藥不得不如此也。而桂枝麻黃之法不可用矣。昔人傳經爲熱。直中爲寒之說。固屬庸妄之胡談。程氏乃以藏病爲經病。且謂傷寒不傳經亦悖謬不通。義詳少陽傳經中。

太陰經病桂枝證一 太陰二

太陰病脈浮者可發汗。宜桂枝湯。方在太陽五此太陰經病

太陰病已傳脾藏。宜見腹滿吐利腹滿不食諸證。若不見諸證而脈浮者。是藏病未成。而但見經病也。宜桂枝發汗。

太陰藏病四逆證二 太陰三

病發熱頭痛脈反沉不差身體疼痛當溫其裏宜四逆湯

發熱頭痛是太陽表證脈應見浮乃脈反沉是已入太陰

之藏若脈遲不差雖身體疼痛表證未解然當先溫其裏

宜四逆湯甘草培其土乾薑溫其中附子溫其下也

四逆湯 七十六

甘草 二兩 乾薑 兩 附子 一枚生去皮

炙

半

臍破八片

右三味咬咀以水三升煮取一升二合去滓溫再服強人

可大附子一枚乾薑三兩

下利清穀證三 太陰四

下利清穀不可攻表。汗出必脹滿。

脈沉已當溫裏。不可發表。若見下利清穀之證。則藏病益顯。不可攻表。汗出亡陽。必生脹滿。

四逆桂枝證四

太陰五

下利腹脹滿。身體疼痛者。先溫其裏。乃攻其表。溫裏宜四逆湯。攻表宜桂枝湯。

方在太
陽五

下利而腹又脹滿。是太陰藏痛。腹滿自利之證俱見矣。而
其身體疼痛者。又有太陽經病。是當先溫其裏。乃攻其表。
溫裏宜四逆湯。以驅寒。攻表宜桂枝湯。以驅風。裏溫則發



傷寒經 卷十
汗不慮其亡陽矣。此與太陽傷寒醫下之續得下利清穀
章法同。

四逆證五

太陰六

自利不渴者屬太陰以其藏有寒故也。當溫之宜服四逆輩。
三陽之利津亡裏燥多見渴證自利而不渴者此屬太陰
以其藏有寒故也是當溫之宜四逆輩也。

黃連證六

太陰七

傷寒胸中有熱胃中有邪氣腹中痛欲嘔吐者黃連湯主之。
傷寒胸中有熱而胃中有肝膽之邪氣肝邪克脾腹中疼



北京中醫藥大學圖書館版權所

痛。膽邪克胃。欲作嘔吐者。是土氣濕寒而木氣鬱遏也。黃連湯。黃連半夏。清上熱而止嘔吐。參甘薑棗。溫中寒而止疼痛。桂枝疏木而通經也。

黃連湯 七十七

黃連 三兩 半夏 半升 人參 二兩 甘草 二兩 大棗 十二枚 乾薑 三兩 桂枝 三兩

洗 炙

右七味以水一斗煮取六升去滓溫服一升日三服一日

夜二服

桂枝芍藥證七 太陰入

本太陽病醫反下之。因而腹滿時痛者。屬太陰也。桂枝芍藥湯主之。

本太陽表證。醫不解表而反下之。脾敗肝鬱。因而腹滿時痛者。此屬太陰也。桂枝加芍藥湯。桂枝解太陽之表邪。芍藥清乙木之風燥也。

桂枝芍藥湯 七十八

桂枝 三兩 甘草 二兩 大棗 十二枚 生薑 三兩 芍藥 六兩

於桂枝湯方更加芍藥三兩。隨前六兩餘。依桂枝湯法。

桂枝大黃證八 太陰九



大實痛者。桂枝加大黃湯主之。

滿痛而加大實。非瀉不可。桂枝加大黃湯。倍芍藥以清木。

燥加大黃以泄土鬱。

桂枝加大黃湯 七十九

桂枝 三兩 甘草 二兩 大棗 十二枚 生薑 二兩 芍藥 六兩 大黃 一兩

右六味以水七升煮取二升去滓溫服一升日三服

芍藥大黃證九 太陰十

太陰爲病脈弱其人續自便利。設當行大黃芍藥者宜減之。以其胃氣弱易動故也。



北京中医药大学图书馆版权所有

太陰爲病其脈軟弱其人當續自便利設腹滿時痛以至大實當行大黃芍藥者宜稍減之以其人太陰既病胃氣必弱易於傷動故也。

暴煩下利證十

太陰十一

傷寒脈浮而緩手足自溫者繫在太陰太陰身當發黃若小便自利者不能發黃至七八日雖暴煩下利日十餘行必自止以脾家實腐穢當去故也。

傷寒浮緩之脈而見手足自溫浮爲太陽緩爲陽明太陰脾胃同主四肢中焦陽旺四肢自溫其爲陽明太陰無以



辨也。且以繫在太陰。太陰濕土。表病濕鬱。身當發黃。若小便自利者。濕氣下泄。又不能發黃。何以別之。必驗之大便。陽明則大便自鞭。太陰則大便自利。俟至續自便利。則繫在太陰確矣。然手足溫而小便利。則脾家未衰。至七八日。雖暴煩下利。日十餘行。必當自止。以此之自利。乃脾家之實腐穢當去之故。非益甚之自利也。此與陽明至七八日大便鞭章彼此互文。提下發黃諸章之綱。

茵陳蒿證十一 太陰十二

傷寒七八日。身黃如橘子色。小便不利。腹微滿者。茵陳蒿湯

主之。

傷寒七八日。表寒鬱其裏濕而生內熱。濕熱瘀蒸。身土發黃如橘子色。小便不利。腹微滿者。以土濕木鬱。疏泄不行。則小便不利。木鬱克土。脾氣脹塞。則腹裏微急。脾被肝刑。土色外見。則皮膚薰黃。緣木主五色。入土化黃故也。茵陳蒿湯茵陳利水而除濕。梔子大黃泄熱而蕩瘀也。

茵陳蒿湯 八十

茵陳蒿 六兩 梔子 十四枚 大黃 三兩 去皮

右三味以水一斗先煮茵陳減六升內二味煮取三升去

